

以诗
会友

上期征稿选登
题：寄望青春、永葆青春

解语花·暮春校园赏睡莲

张文勋

容光烨烨，绿叶田田，春水波光艳。睡莲初现。梦方醒，昨夜露珠滴遍。含羞笑靥。回眸处，秋波潋滟。君不闻、解语名花，暗比双飞燕。

得记去年春半，恰风光依旧，池水如鉴，伊人如面。清风起，顿觉碧空飞霰。黄花白发，怎禁得光阴似箭。任自然，物换星移，待明年相见。

踏莎行·羁旅感怀

唐秀玉

陌路还生，远人依旧。他山别水关情否？秋来兀自各青黄，霜飞叶落西风柳。

百味堪无，千愁尽有。红尘深浅难勘透。长街孤影厌笙歌，残杯饮尽更呼酒。

读桃花江水图偶得

程 皎

江上潮催江上舟，楚天迢递望中休。
桃花岁岁红如许，不信离人渐白头。

登宣威东山并记

赵浩如

登临再上东山路，石蹬悠悠万木稠。
古阁重修春树暖，飞泉倒洒翠崖幽。
新楼已改旧城貌，云腿远传海外洲。
岁月依稀寻旧梦，青山难老应无忧。

卜算子·自嘲

彭启军

屈指忆从前，直叹光阴短。似露年华一瞬消，已是人生半。

鬓角染霜花，早把青丝换。回首虽非再少年，尚有雄心伴。

凤凰台上忆吹箫·同窗情

李政军

旗岭听枫，南汀逐水，书笺几片梧桐。时操场问技，谁与争锋？屈指青春点点，毕业季、泪洒西东。伤怀处，年年细数，欲寄何从。

情浓，时光荏苒，谁错剪西窗，暗恋凌空？却道天涯苦，酒绪千重。若得当年入梦，哪怕是，短暂相逢。通宵夜，阑珊淡浅，晓日方红。